



Aruba

Por sosodé ku bo mester bai Aruba pa risibí tratamentu médiko ku no ta optenibel riba e isla unda bo ta biba, por ehèmpel na Aruba. Tratamentu médiko na Aruba ta tuma lugá primordialmente den Hospital Dr. Horacio Oduber situá na Oranjestad. E instituto médiko aki ta disponé di vários spesialisimo. ZVK tin palabrashon na Aruba ku vários organisashonnan di kuido i di transporte spesialisá manera Care4Care, Armada Por Agency i Lite Life.

Bo biahe

ZVK ta regla bo biahe sea ku kompanianan di aviashon òf via buelonan charter spesial. Den e foyeto “informashon tokante buelonan charter” bo ta haña mas informashon tokante bo biahe ku e avion di charter. ZVK ta traha un sita ku bo pa bo pasa na ofisina pa tuma bo dokumentunan di biahe i dokumentunan relashoná ku bo konsulta òf tratamentu.

Yegada na Aruba

Bo ta aterisá na sea aeropuerto Reina Beatrix di Aruba òf e terminal di General Aviation. Si den konsulta ku ZVK bo a reserva un ròl-stul, esaki lo ta pará kla na momento ku bo bandoná sala di yegada. Pashèntnan ku ta bin na remarke pa transporte spesial ta keda risibí pa Care4care of Lite Life. Otro pashènt i nan eventual akompañante ta wòrdu transportá pa ARMADA Port Agency. Tene kuenta si ku den kaso ku bo ke hasi uso di transporte grátis, bo mes mester bestèl esaki por lo ménos dos dia di antemano.

Transporte

ZVK ta sòru pa transporte grátis di aeropuerto pa e lugá unda bo ta hospedá, pa bo sitanan pa tratamentu i di einan pa kaminda bo ta hospedá. Si akaso bo tin mester di transporte spesial, ta por regla esaki via Care4Care of Lite Life. E dokter ku ta manda bo afo pa tratamentu lo mester indiká esaki den e petishon pa bai afó pa tratamentu médiko.

Estadia

Abo i e persona ku eventualmente ta kompañá bo ta bin na remarke pa estadia na un hotèl, serka famia of amistad dado kaso bo mester keda Aruba pa risibí tratamentu médiko. Esaki ta sosodé den konsulta ku ZVK. ZVK tin palabrashon ku bários hotèl unda bo por hospedá na Aruba. Entre otro hotèl i otro sitionan di akomodashon ku ta disponé di tur fasilitad, manera kitchenette, lugá pa laba paña, etc. Dependé di disponibilidad, ZVK por regla bo estadia na un di e hotèlnan aki. Tambe bo por skohe pa keda serka famia òf amistad, esta e asina yama akomodashon propio. Si bo ta huntu ku un kompañero, e lo keda den mesun kamber ku bo. Indiká na ZVK si bo ta deseá un kamber di hotèl ku kama separá.

Kompensashon

ZVK ta depositá bo kompensashon diario pa kuminda i refresko i esun di e persona ku eventualmente lo kompañá bo promé ku bo biahe riba bo kuenta di banko. Si akaso bo skohe pa keda serka famia òf amistad, lo bo risibí un asina yama kompensashon pa estadia (verblijfsvergoeding)

Kontakto

Armada Port Agency

Telefòn: +297 582 5447

+297 749 8415 (despues di ora di ofisina)